

四庫全書

子部

欽定四庫全書

子部

記纂淵海卷二十八

詳校官中書臣涂日煥

侍讀臣孫球覆勘

總校官降訓編修臣倉聖脉

校對官編修臣于鼎

謄錄監生臣范光謙

欽定四庫全書

記纂淵海卷二十七

宋 潘自牧 撰

職官部

吏部

經惟王建國辨方正位體國經野設官分職以為民極
乃立天官冢宰使率其屬而掌邦治以佐王均邦國周禮
治官之屬大宰卿一人並周禮夏書曰賦納以言明試以

功車服以庸

書

史漢初置尚書有常侍曹主公卿事後漢改為吏曹主選舉祠祀後又有選部宋武帝大明二年分吏部尚書置二人鑑通唐自貞觀以前尚書掌五品選事至景雲元年宋璟為尚書始通其選而分掌之因為常例開元以前諸司之官兼知政事自開元以來宰相多兼領兵部

事通志

傳記漢成帝置列曹尚書四人其一曰常侍曹靈帝改吏部為選部魏改選部為吏部典通後周依周六官置大

冢宰卿隋復曰吏部唐改選部龍朔間改為司列咸亨初復舊光宅改吏部為天官神龍初復舊天寶初改為文部至德初復舊掌文官選舉總判吏部司勲司封考功四曹事六典

集胷中無冰鑑敢當吏部銓山谷東西兩漢左雄孤絕於前南北二晉山濤莫續于後沈約表性藏於貌才隱於心楚越無以況其迥殊山川未足方其險阻同上漢置天曹魏仍東據毛孝光以清公見美盧子若以貞固任職張

卷二十七

金匱四庫全書

卷二十七

本朝吏部掌文武官吏選試擬註資任遷叙蔭補考課之政令封爵策勲賞罰殿最之法本部長貳及所隸郎官其屬有曰司封曰司勲曰考功凡官十有三尚書一人侍郎一人郎中員外郎尚書選二人侍郎選各一人司封司勲考功各一人通志

吏部尚書

經天官太宰掌建邦之六典以佐王治邦國周禮冢宰掌

邦理統百官均四海書召公奭為太保兼領冢宰之職
書

史吏曹尚書典選舉祠祀屬三公曹靈帝末梁鵠為選

部尚書

後百官志註魏陳羣為尚書制九品官人之法

魏志

毛

玠為吏部尚書無敢好衣美食者魏武嘆曰孤之法不

如毛尚書令使吏部用心如玠風俗之易不難同上

毛玠

雅亮公正在官清恪其典選舉抑阿黨於時四海翕然

莫不勵行同上汪湛為吏部尚書家甚貧不營私財饋餉

盈門無所受史隋牛弘為吏部尚書其選舉先德行而

史南

隋

後文才進用多稱職吏隋書唐杜如晦攝吏部尚書與房

玄齡共執朝政引薦賢士分紀崔琰委授銓衡總裁清議

紀

魏志

十有餘年文武羣才多所明拔朝廷歸美天下稱平魏志

崔洪為吏部尚書舉用甄明門無私謁分紀開元十八年

魏志

裴光庭兼吏部尚書作循資格賢愚一槩蕭蒿以為非

奏罷之選舉志太宗嘗語吏部尚書李清臣曰吏部掌銓

衡閱人多宜以名聞清臣乃取百餘人第為德行政事

文學議論四等以進
職累韋巨源以吏部尚書同中書門

下三品時要官缺執政以次用其親巨源秉筆當除十

人皆諸宰相近屬

唐書

傳記吏部尚書周之天官卿也六典魏改選部為吏部專

掌選職右于諸曹尚書宋置二吏部尚書齊魏皆曰吏

部尚書同上自漢及魏授此職者咸云吏部尚書若授諸

曹尚書直云尚書然此官歷代班序常尊不與諸曹同

也六典鄧攸為吏部尚書牧馬於家庭妻息素食不受一

錢於人

晉

山濤為吏部尚書所奏甄拔人物各有題目

時稱山公啓事

同上

裴頠稱嵇紹曰延祖領選可使天下

無遺才

晉傳

袁昂雅有人鑑遊處翫雜為吏部尚書梁帝

謂曰齊明帝用卿為黑頭尚書我用卿為白頭尚書

上同

徐勉為吏部尚書居選官嘗門人夜集客有求詹事官

勉正色答曰今夕止可談風月不宜及公事時人服其

無私

梁傳

唐吏部尚書總判吏部司封司勲考成四曹事

六典魏知古姚崇所引及同列稍輕之出攝吏部尚書崇

二子在洛通餉遺請託知古歸悉以聞

姚崇傳

集掌文武二選之法而奉行其制命

四朝志

天官冢宰之

崇文昌選部之重

牋表類

天官之任人物所宗以撥煩治

劇之才行激濁揚清之政

同上

合左右之聯歸簿領者凡

六十案舉文武之士在考覈者逾二萬員

李清臣謝表

射策

之初既無失于正鵠掄材之際必有適于輪轄

同上

當垂

拱之朝實資共理奉持衡之職必在至公

並同上

鍾士季

曰裴楷清通王戎簡要樂彥輔雍容自守當時恨其寡

譽山巨源意在拔奇不免與世浮沉鄧攸牧馬家庭何
益止競之操十壺如含瓦石未聞檢裁之功表

江總
昔舜

舉禹谷繇而雋乂在官湯舉阿衡而不仁流屏無謂隱
微廢公任私無好自專違衆取怨易貴好爵書慎官人
官不可妄授職不可閭受能者養之致福不能者弊之

招谷晉傅玄
歲漢置五曹方今六尚魏隆八座擬古六卿近

喻喉舌遠譬樞斗

隋江總表

本朝張昭為尚書獨掌京官七品元豐官制行以審官

東院歸吏部尚書左選審官西院歸吏部尚書右選

四朝

志擬考其閥閱以定可否凡選授封爵功賞課最之事

皆所歷郎官驗實而後判成焉若有疑不能決則稟議

於尚書省即應論奏與郎官同上殿

續會要

建炎六年詔

惟吏部備官餘長貳互置

題名

入朝登用而抗論極言不

以利害之私少有回屈士論益以歸重

朱晦菴書卷

進位於輔

相之列則所資於天下之才者益衆而所進退於天下

之才者益重

同上

吏部侍郎

經小宰之職

周禮

史裴楷為吏部侍郎風神高邁容儀俊爽時謂之玉山

照人本傳吏部侍郎高孝基鑑賞機悟清謹絕倫房玄齡

杜如晦與選孝基特加賞異後以為知人隋書陸彥師為

吏侍隋承周制官無清濁彥師在職凡所任人頗甄別

於士庶同上呂元膺拜吏部侍郎正色立朝有合宰望處

事裁宜人服其有體同上高馮為吏部侍郎凡所銓綜時

稱平允太宗賜金背鏡一面以表其精鑒焉

唐語新裴行

裴行

儉馬載為吏部侍郎同時典選十餘年甚有能名時人

稱為裴馬

唐本傳

盧從愿睿宗時拜吏部侍郎中宗之後

選司頗失紀綱從愿精心調理大稱平允李朝隱同時

典選時人稱曰吏部前有裴馬後有盧李

出紀分上

韋陟常

任吏部侍郎有一致仕官叙五品陟判之曰青毡展慶

曾不立班朱紱承榮無宜卧拜時推其強直

同上

傳記隋煬帝三年始置以二尚書之職六品以下銓補

多歸之

通典

唐武德初因隋舊制吏部尚書掌六品七品

選侍郎銓掌八品九品選

會要

李至遠知郎中時有選人

姓刀又有王元忠並被放乃密與令史相知減其點畫

刀改為丁王改為士議授官後即添成文字至遠一覽

便曰今年銓覆萬人總職姓名安有丁士姓者此必刀

某也省內以為神明後擢侍郎

會要

唐選部流內六品以

下官是為銓衡之任凡初仕進者無不仰屬

通典

李至遠

知選吏肅然歛手時人號曰李下無蹊

通典

溫彥博遷檢

校吏部侍郎彥博欲汰擇士類寡行不能厭衆訟牒盈
庭時議煩譏本傳韋弘景累遷吏部侍郎銓總平允貴幸
憚其嚴不敢私謁本傳

集辯論官材澄汰流品柳公綽
吏侍制用解樞機之務必居衡
鏡之職唐詔令韋貫
之吏侍制掌銓衡之品藻宜叙九流楊億
代表持

衡留藻鑑聽履上星辰杜甫南宮吾故人白馬金盤陀雄

筆用千古見賢心靡他杜甫寄吏
部賈侍郎吏部古之天官而侍

郎小宰之職堯俞天官四銓總覈人物澄清流品除孫
覺制

本朝選人屬流內銓小使臣屬三班院元豐官制行以
流內銓歸吏部侍郎左選續會要初置二員蘇頌左選李

續會要

承之右選夫以天官之貳制夏卿之選部書煩重條格

紛委苟非其人則士之失職而無告者多矣

東坡集

吏部

掌典選舉至於所屬之官有行封爵議勲庸稽功課之事咸以咨焉侍郎實貳其長可不重哉

南豐擬制

吏部郎中

史山濤舉阮咸為吏部郎中曰清直寡欲萬物不能移

也

世說

顧憲之為吏部郎中其祖凱之嘗為吏部于庭中

植嘉樹曰吾為憲之植耳後果為此職

宋

宋張績遷吏

部郎裴子野曰張吏部有喉舌之任已恨其晚

同上

齊庾

果之司空劉勔寄之稍遷吏部郎中叅選大事

齊書

阮放

為吏部郎銓掌之任甚有稱譽

本傳

王僧綽為吏部郎叅

掌大選究識流品諳悉人物拔才舉能咸得其分

同上

傳記唐吏部郎中有二人龍朔二年改為司列大夫咸

亨光宅神龍改復

六典

一人掌考天下文吏之班秩品命

一人掌小選未入仕而吏京司叅復分九品道謂之行署其應選之人以未入九流故謂之流外銓六典後漢鄭

弘為僕射奏議台職任尊而賞薄人無樂者諸吏部補二千石自此始也通典後漢吏部郎中典劇多超遷者上

集銓衡庶品歷選賓僚梁陸倕拜吏部郎表序簿書以別淑慝擇

刀筆以決臧否剖疑析滯揮翰如流選部以清繫公是

賴席豫揚吏部郎中碑銘參我六典冠於諸曹同上六官之屬選曹

郎首之歷代以來選諸曹郎之中其踐履久考第高加

以有氣局律度者遷焉

除李建制

本朝元豐官制行置吏部郎中四人尚書選二人侍郎選各一人參掌選事而分治之凡序位有品選官有格分任有職寓祿有階皆以事稽考審核其狀質成於長貳而後行焉

四朝志

建炎三年詔三選各一員

中興會要

員外郎

史吏部員外郎二人掌文選以三銓之法官天下之才其投試銓注與流內畧同謂之小選

唐百官制

唐吏部郎中

二廳先小銓次格式員外郎二廳先南曹次廢置舊說

吏部為省眼分紀韋陟字商衡為吏部員外郎是曹在南

宮為眉目在選士為司命公執直筆問簿書紛掌盤錯

一瞬而剖劉禹錫撰
神道碑韓滉遷吏部員外性強直明吏事

在南曹五年簿最詳緻唐百官志裴遵度遷吏部員外天寶

中九流幅湊會府遵度敏識強記精覈時稱吏事第一

同上

傳記吏部員外郎掌選院謂之六曹

六曹典劉崇望轉吏部

員外郎崔安潛為吏部尚書崇望判南曹滌除夙弊復清選部本傳唐牛徽遷吏部員外郎乾符中選曹猥濫吏為奸弊每歲選人四千餘人徽直剛時為起清由是銓叙稱正能否旌別物議稱之同上

集吏部信才傑文鋒振奇響調與金石諧思逐風雲上

沈約悼齊謝朓詩

才盛居東之任禮處司南之重高選髦士以分

劇曹常集鄭叔則吏部員外郎制

吏部提英鑑片善蒙采錄黃山谷今

日君先捧紫泥裴度錢柳公綽詩

本朝凡郎官並用知府資序以上人充未及者為員外郎建炎四年詔權攝天差郎官並罷初進擬第云吏部郎官及擬先身細銜始直書尚書吏部郎中或員外郎主管尚書某選主管侍郎某選自此相承不改乾道元年詔今後非曾任監司守臣不除郎官著為令自是館學寺監臣拘礙資格遷除不行郎曹缺員但得兼攝即外補間有不次推用者則自二著躡升二史以至從列其自外召為郎則資級高不數月必序進卿少而郎有

正員者少矣

宋史

司封郎中

史柳公權為司封員外郎入奏帝曰見卿筆蹟久矣因

問用筆法權曰心正則筆正乃可法矣

本傳楊凝為司封

員外郎直聲彰聞

柳文貞

觀中韋孝武為主爵郎中與兄

弟同省時號三列宿

唐史

司封郎中掌封命朝會錫予之

級爵凡九等爵

唐官志

齊置主爵郎中一人隋曰主爵郎

中宋為司封郎中參掌官封叙贈之事凡事之可否與

司勲通決于尚書侍郎

同上

傳記晉文公執叙以正其官註云執叙主爵之官漢尚書有封爵之任而無其官

後漢書

馮勒字韋伯光武以為

郎中給事尚書使典諸侯封事勒量功次輕重國土遠

近地勢豐薄不相踰越莫不厭伏焉自是封爵之制非

勒不定晉尚書有左右主客曹北齊河清中改為主爵

置郎中一人屬吏部主封爵之事隋初為主爵侍郎煬

帝改為主爵郎武德初為主爵郎中龍朔二年改為司

封大夫咸亨元年復舊光宅元年為司封郎中掌封爵
皇之枝族及諸親内外命婦告身及道士女官等天寶
八載十一月勅道士女官籍每十載一造永為常式出通

考

集封爵之恩施於內外國之典也主以郎吏寵秩甚優

渥除王祖道制以寵左曹之秩用優主爵之名胡文恭制阮咸貞

潔屢薦未登陸亮忠心裁居殿職自非季重清識李毅

恬正則何以區分管庫式鑒胥吏同上

本朝司封判司事一人以無職事朝官充凡封爵之制一出於中書本司但掌定謚先期解本部赴集而已元豐官制行郎中員外郎始實行本司事初除王祖道為司封郎中參掌官封叙贈之事凡宗室賜官授官親王内外命婦以下封爵諸親保任其宗屬陞朝官褒贈其要皆例馬續會要

司勲郎中

史周官有司勲上士二人凡有功者司勲詔之後周夏

官有司勲一人掌功勲之賞隋文帝置司勲侍郎煬帝
改為司勳郎武德初為司勲郎中龍朔元年改為司勲
大夫咸亨二年復故掌邦國官人之勲級凡勲有十二
等十二轉有功之人合授勲官者皆委之覆定然後奏

擬典六

傳記張九齡遷司勲員外郎張說謂人曰後來詞人稱
首本張循憲薦張加正奏對侃侃武后悅擢循憲司勲
郎中酬其得人時人謂功狀盈几郎吏不決加正為詳

處廷無留牒

張加正傳

本朝趙忠簡公鼎字元鎮公為司勲郎官乃言自安石
用事肆為紛更祖宗之法掃地而生民始病今安石猶
配享廟廷而京黨未族何以收人心而致和氣哉言行錄

陳文正公康伯字長卿自公為卿時為司勲郎官秦檜
方擅事公雅有素乃澹然其中檜雖稱公靜重常越用
他人公不以為意在省五年始為軍器監同上趙宗儒再
遷司勲員外郎貞元六年領考功事自至德後考績失

實內外悉考中上殿最混淆至宗儒黜陟詳當無所回
憚同上司書本公司無所掌元豐官制行郎中員外郎始實

行本公司事初除穆洵為參賞勲掌事凡勲十有二級自
上柱國至武騎尉自從七品推而上之至正三品三歲
一遷必因其除授以加之凡賞格皆設於此以逆其至
焉若事應賞從其所隸之司考實以報其制命隆興詔
省并司勲郎中以司封郎中兼領會

考功郎中

史考功定課晉書鄭瀚為考功員外郎刺史有馳迫人吏

上言政績請刊石紀者瀚探得其情條索廉使巧迹遂

露人服其敏識

晉書紀

考功郎中掌文武百官功過善惡之

績考法凡百司之長歲較其屬功過善惡九等又令衆

官讀之流內之官叙以四善善狀之外有二十七最

唐百

官穆宗即位召李渤為考功郎校定京官考不避權倖

皆行黜陟同上宋之間善為五言詩當時無能出其右者

景龍中為考功郎中唐中宗增置修文館學士擇朝中

文學之士之間與薛稷等首膺其薦時以為榮

同上

傳記漢元帝時京房作考功課吏之法然其職不在尚

書至光武改尚書三公曹主歲書考課課諸州郡

通典唐

龍朔改為司績大夫咸亨復舊

職源裴

諱遷考功郎中代

宗幸陝諱徒挾考功南曹即赴行

本傳

王信字成之權考

功郎有選人張公選初一年免銓至是改秩吏妄引復

令梶之公鈞察其故吏怖服又有三屬七寶礙式吏受
賂為道地趙衛公為工書以囑公持弗聽已而轉臨天

官閱番成牘拊掌愧嘆嗟謝不已至白于上前他日上

謂尚書蔡滉曰考功得王信銓曹遂清邇者私相指為

神明同上

集稱意新官又少年秋清身健好涼天

白樂天送霍考功

有意

嫌兵部專心望考功誰知脚蹭蹬却落省牆東

張恭主忠咏

羣吏之課而議其誅賞郎列三台任屬九重

南豐除蔡京制計

羣吏之治而明黜陟之法台郎典引列于左曹

又除呂和卿制

本朝以七事考監司一曰舉官當否二曰勸課農桑增

墾田疇三曰戶口增損四曰興利除害五曰事失察察
六曰較正刑獄七曰盜賊多寡以四善三最考守令德
義有聞清謹明著公平可稱恪謹匪懈為四善訟獄無
寃催科不擾為治事之最農桑墾闢水利興修為勸課
之最屏除姦盜人獲安處賑恤困窮不致流移為撫養
之最通善最分三等五事為上二事為中餘為下若能
否尤著則別為優劣以詔黜陟宋史

戶部

經惟王建國辨方正位體國經野設官分職以為民極乃立地官司徒使帥其屬而掌邦教以佐王安擾邦國

禮周

史漢置尚書郎四人其一人主財帛委輸至魏文帝置度支尚書等專掌軍國支計而晉有度支皆主筭也宋齊度支尚書領度支金部倉部起部四曹度支統度支倉部左戶右戶金部庫部六曹後周置大司徒一人如周禮之制隋初有度支尚書則並後周民部之職開皇

三年改度支為民部

職官志

傳記顯慶元年改戶部為度支龍朔二年改度支尚書為司元太常伯咸亨元年復為戶部尚書初戶部居禮部之後武后改置天地四時之官以戶部為地官自是遂居禮部前神龍元年復置地官總判戶部度支金部

倉部事

通典

集掌司徒之邦教制民曹之地征總事帥屬居其要會幹時通才始可典領常集制翼翼版圖以辨九州之地英

英會府實總萬事之機長尚書統庶書官人承法憲應場

詩雜

本朝戶部判官事一人以兩制以上充凡戶口田產錢穀食貨之政令皆歸於三司本曹但受天下之土貢會陳于庭而已續會要元豐改官制罷三司歸戶部左右

曹而三司之名始泯矣四朝志戶部掌天下人民錢穀之

政令貢賦征役之事以版籍考戶口之登耗以稅賦待軍國之歲計以土貢辨郡縣之物宜以征榷抑兼并而

生調度以孝義婚姻繼嗣之道和人心以田務券責之
理直民訟凡此歸于左曹以常平之法平豐凶以義倉
賑濟之法救飢饉恤艱厄以豐田水務稼穡以教民勸
酬勤勞省科歛凡此皆歸之右曹其屬有三曰度支上
供俸賜及邦國經度會計之事隸焉曰金部貨賄出納
之制及權衡度量之令隸焉曰倉部凡國之倉廩儲積
及給受之事隸焉舊三司使即今尚書舊三司副使即
今侍郎其權發遣副使即今權侍郎舊三司判官推官

即今郎中員外郎之任也

續會要

戶部尚書

經大司徒之職掌建邦土地之圖與其人民之數以佐王安擾邦國周禮以天下土地之圖周知九州之地域廣輪之數辨其山林川澤丘陵原隰之名物而辨其邦國都鄙之數制其畿疆而溝封之上

史魏文帝置度支尚書專掌軍國之計朝議以征討未息動須節量及明帝嗣欲用安平王帝問左右曰有兄

風否答曰似兄帝曰吾得司馬懿一人復何憂轉度支

尚書

晉安平王傳

杜預

為度支尚書內以利人外以救邊備

物置用濟當時之益者五十餘條

本晉

吳隱之為度支

尚書以竹蓬為屏風坐無毡席後遷中領軍清儉不改

每月所得祿纔留身糧餘悉分賑親族

本傳

傳記長孫平開皇三年為度支尚書見天下州縣多罹

水旱百姓不給奏令民間每秋加出粟麥壹石以下貧

富為差等儲之間里以備凶年名曰義倉

隋書

鄭善果為

民部尚書制與裴寂等十人每奏事及侍立並令升殿
與從兄元璹在其數時以為榮紀分劉溉為左民尚書溉
美風儀善容止所至以清白自脩性又率儉不好聲色梁書
唐高宗以竇德玄舊臣自殿中少監為御史大夫歲中
遷司元大常伯又任十餘人皆帝自擇會要

集及領地官且司邦賦會稽事劇出納孔殷投利刃以
皆虛委絲棼而必理白居易行裴垍制徭賦職貢之方經費賙
給之算六典亦總地卿嘗會計而經國紀綱式叙征賦益

饒唐大詔令
崔玄制 地官理財能制輕重

崔羣制

本朝初除安燾為戶部尚書續會
要 國初以天下財計歸

之三司本部無職掌止置判簿事一人以兩制以上充
以受天下上貢元會陳于庭元豐正官名始並歸戶部
掌天下人戶土地錢穀之政令貢賦征役之事職
畧 尚書

掌軍國用度財賦出納州縣廢置升降凡四司所治之
事侍郎員外郎參領之獨左曹事弗預專隸所掌侍郎
若事屬本曹而歷郡縣監司不能直則受其訟焉大享

祀薦饌則尚書奉俎飲徹之朝會則奉貢物闕則侍郎攝行元祐元年門下侍郎司馬光欲令戶部尚書兼領左右曹而舊三司財用事有在五曹寺監者並歸戶部則利權歸一詔尚書省立法左右曹錢穀尚書兼總使周知其數量入為出而制國用焉同上

戶部侍郎

經掌土地之圖

周禮

史後周依周官隋煬帝置民部侍郎唐因之後改曰戶

部龍朔二年改為司元少常伯咸寧元年復為戶部侍

郎史

唐

韋表微為中書舍人俄拜戶部侍郎職如故時自

長慶寶歷國家比多變故凡在翰林例無滿歲由是表

微自監察六七年間秩正二卿備承恩渥盛于一時

本傳

楊場歷戶部侍郎嘗召宰相大臣議天下戶版延英殿

場言利病尤詳帝咨賞於是宇文融建言檢括戶口場

執不便融方貴諸卿緘默唯唯獨場抗議故出華州刺

史白居易牛僧孺制李絳遷戶部侍郎判本司帝以戶部俱有

獻而絳獨無何哉答曰凡方鎮有地則有賦或畱用度易羨餘以為獻臣乃為陛下謹出納焉有羨贏哉若以為獻是徙東庫物實西庫進官物結私恩帝矍然同上

傳記唐太宗問盧承慶歷代戶口多少之數承慶叙夏以後迄周隋皆有依據本傳王彥威開成初為戶侍判度支彥威于儒該邃亦善吏事但經總財用出入米鹽非所長也唐書潘孟陽權知戶部侍郎詔馳驛江淮視財賦孟陽恃氣豪倨所至招金錢多補吏譽望大喪同上李元

絃歷工兵吏三侍郎上令宰臣及公卿以下精擇堪為
戶部者多有薦元絃者乃拜戶部侍郎元絃因條奏人
間利害及時議得失以奏之上大悅因賜衣一副本柳
約字元禮權戶部侍郎感激奮勵悉力盡言凡利病皆
執奏以進周益

集昔年內署振雄辭今日東都結去思宮女猶傳洞簫
賦國人先錄袞衣詩劉禹錫送李戶部華昌却復文昌伍別鶴
重歸太乙池想到金門侍稱籍一時驚喜見風儀同上

制民產上經國用地官之貳實參總焉

侍郎擬制

地官之職

邦教是先選華國以從人望

韓退之除
崔羣制

地卿之貳爰委

典司理財先示于簡廉利物每懲其聚斂

唐大詔令
李絳制

體道履仁外和內敏清而容物善不近名從容禮樂之間

特達珪璋之表選賢與能于今雖重擇才均賦自古尤

難往慎乃司以服加命

韓愈除
崔羣制

本朝戶部之職皆歸三司元豐官制行戶部始總邦計

置侍郎二員左曹五案右曹五案左曹除陳安石右曹

除李定職紹興四年七月詔戶部侍郎二員通治左右

曹職事以權吏部侍郎劉岑有請故有是命

中興會要

戶部郎中

史漢尚書郎一人主戶口墾田吳張溫為戶曹郎魏有
左民郎曹晉兼制右民郎曹東晉而下民部曹唐為郎
中高宗改為戶部龍朔為司元大夫後復故掌戶口土
田賦役貢獻蠲免優復婚姻繼嗣之事以男女之黃小
中丁老為帳籍以永業口分園宅均其土田以租庸調

歛其物以九等定天下之戶以為尚書侍郎之貳其後
以諸行郎官判錢穀而戶部度支郎官失其職矣事類

傳記武儒衡遷戶部郎時皇甫鑄以宰相領度支剥下
益上乃上疏論列儒衡氣岸高雅唐書韋維字文紀為戶

部郎中善裁剖時員外郎宋之間善詩故稱戶部二妙

唐唐虞綸為戶部郎中有詩名于貞元中與李端司空
曙之徒名貞元十子形于圖畫以美其名同上高構轉民

部郎中時有叔姪爭嫡尚書省不能斷朝臣之議不決

構斷而合理上以為能勞之曰我聞尚書郎中上應列

宿觀卿才識方之古人之言信矣

隋書

集員外由來美郎中望不優寧知粉署裏翻作土山頭

詩話參我地官之屬首於時俊之科類

要郎官皆為清秩杜牧

制

本朝國朝淳化中戶部郎中張郁父正仕至戶部侍郎世尚儒學號書樓張家長編紹興中專置提舉帳司總天下帳狀以戶部左曹郎官兼之右曹歲具常平錢物總

數每秋季具冊以聞初置主管左右曹總稱戶部郎官紹興七年閏彥昭以太府寺丞兼左曹郎官紹興三十一年徐康正除左曹郎官自是相承不改又詔戶部事有可疑難裁決者許長貳與衆郎官聚議文字皆令連書有定議然後付本曹行宋史

員外郎

史隋文帝置員外郎煬帝改承務郎唐武德三年復為員外郎通志唐戶部與吏部鄰司吏郎移牒令戶部列棘

以備交通呂太一為戶部員外郎答曰眷彼吏部銓總之司當須簡要清通何必設籬樹棘唐書裴向為渭陽縣

令奏課第一朝廷聞其理行擢為戶部員外郎

狄仁傑薦子光嗣為員外郎蒞事有聲

同上

集千里歸程三伏天官新身健馬翩翩行衝赤日加餐飯上到青雲穩著鞭白居易送白敏中

唯求員外置不應列星

文趙謙光答賀涉掌戶口賦役之事為尚書侍郎之貳

唐百官志

本朝員外郎掌分曹治事建炎三年詔省併郎曹惟戶

部五司以職事煩劇不併仍各置一員

宋史

劉禹錫檢校

戶部郎中幹池鹽于蒲脩牢盆謹衡石煎和既精飴散

乃盈商通而薦至吏懼而循法民不維綱而國用益饒

歲杪會其所入贏羨什百詔下褒其能

劉禹錫

度支郎中

史漢有度支侍郎即郎中之任也歷魏晉宋齊並有度支郎中梁隋為侍郎開皇三年改度支尚書為民部尚書唐因焉崔仁師為度支郎中嘗奏度支財物奏數

千言手不執本太宗怪之令杜正倫齋本與仁師對唱

一無差殊太宗大奇之

唐志

張濬為度支郎中黃巢將逼

關輔濬託疾請告侍其母挈族避亂商州賊犯京師僖

宗出幸途無供頓衛軍不得食濬陰令李康獻糗餌數

百駟綱軍士始得食僖宗乃召康閣卿為縣令安操心

及此對曰臣為塵吏安敢有此進獻張濬郎中教臣也

帝異之上

傳記唐龍朔中改度支郎中為司度大夫咸亨復舊典

六

蘇弁授度支郎中副知度支事仍命立于正郎之首有副知之名自蘇弁始也同狄梁公以度支之司天下利害部常闕人求之未得乃自職之

唐職林寶應元年正月

劉宴為戶部侍郎度支使二年二月韓滉以宰相加度支使五月二日豆參為中書侍郎平章事度支使自後雖無亦有他官判同上

集位參計會職綰度支

唐張

集鳴鶴登朝含鷄伏省轉筋

之敏未見稱竒聚米之能無聞播美張倉之善美國用

詎肯留情馮勤之力計軍儲曾何介意年支國用為政
之嘉猷歲計軍儲邦家之要務同上

本朝參掌計度軍國之用量貢賦稅租之入以為出乾
道四年置會稽都籍度支掌之裁減吏額置五十人淳
熙十三年又減四人宋徐宗說在度支會右曹金部皆
缺官因令兼領三曹金谷纖悉之地而宗說素有心計
于天下經費出入盈縮之數莫不通知老吏為之歛手
參掌計度天下之經費以貢賦租稅之入而為

中興係
年錄

之出小事則擬畫大事則諮其長神宗正史職官志財物多寡之數物生豐約之宜司徒之曹典貳為重南豐除陳向制

金部郎中

經掌凡金玉錫石丹青之戒令周禮

史魏尚書有金部郎歷代多有之北齊金部主裁量尺度內諸庫藏文帳隋祖孝徵薦盧昌衡為尚書金部郎每謂人曰吾用盧子均為尚書郎真無愧幽明矣隋初為金部侍郎煬帝除侍郎唐武德中加中字龍朔二

年改金部為司珍大夫咸亨初復舊掌庫藏金寶貨物
權度尺量等事自開元三年置鑄錢使皆以他官為之

通志

傳記漢置尚書郎四人其一主財帛委輸蓋金部郎曹

之任也

職林

建中初罷鹽鐵等天下錢穀委金部倉郎中

書門下棟兩司郎官准格式調掌 蕭穎士終于揚州

功曹子存為金部郎中有直諒功曹之風

唐書

魏晉宋齊

後魏北齊並有金部郎梁陳隋為侍郎煬帝但曰郎唐

因之武德三年加中字

六典

龍朔中為司珍大夫

唐職林

咸

亨復天寶改司金郎中至德初復舊

六典

集大寶曰位夏陳納貢之書聚人曰財漢有藏錢之府

莫不取之以道用之以時不役人以奉身不遣人以供

國自鹿臺重賦東夏為墟鴻都賣官西園成市

張鷺集掌

庫藏出納之節金寶財貨之用權衡度量之制皆總其

文籍而頒其節制

唐書

本朝金部郎參掌天下給納之泉幣計其歲之所輸歸

于受藏之府以待邦國之用勾考平准市舶榷易商稅

香茶鹽礮之數以周知其登耗視歲額盈虧而為之賞

罰宋史王師愈召除金部郎中數召對言事上孝宗賜書

曰比聞奏對頗及治道之具而未詳也尚有可裨政體
而宜于今者亟復條奏其眷待之渥一時在廷之臣莫

得望焉

晦菴集

倉部郎中

經廩人掌九穀之數以待國之匪頒賙賜稍食以歲之

上下數邦國以知足否以詔國用以昭年之凶豐禮

史孟簡為倉部郎王叔文為戶部侍郎簡為其屬中立正色凝然不附唐書魏晉而下皆有倉部郎中梁陳為侍

郎宋齊以度支尚書領之後魏有太倉尚書後周有司倉下大夫隋初制倉部侍郎煬帝止曰倉部郎唐武德三年加中字龍朔二年改司庾大夫咸亨復天寶為司儲郎中至德復

傳記唐畢誠為倉部郎中事要家勢人以倉駕二曹

為辱誠沛然如處美官無言宰相知之遷職方郎中兼

侍御史

職林典掌天下儲庫出納租稅糧倉廩之事

六

集出納必恠有司之常貳上下之價則茫昧者受敝雜

苦良之貨則豪右者受贏惟一惟公乃罔不同惟平惟

實乃罔不吉

元微之

參掌國之倉場儲積及其給受之事

同上

本朝倉部判司事一人以無職事充凡倉庾受納租稅
出給廩祿之事皆歸三司而別置提點倉場官以督察

本司要初除韓正彥馬_職累建炎三年詔罷司農寺本

寺諸倉場事務隸倉部紹興三年復舊中興會要歲漕東南

粟六百萬石以實中都茲用命汝以廩人之職惟當于

會計則無曠爾官_{曲阜}制

記纂淵海卷二十七

欽定四庫全書

記纂淵海卷二十八

宋 潘自牧 撰

職官部

禮部

經典朕三禮 汝作秩宗並書大宗伯之職掌建邦天神人

鬼地祇之禮以佐王保邦國周禮

史漢成帝置尚書五人其四曰客曹主外國夷狄事後漢尚書吏部兼掌祭祀亦具職分魏尚書有祠部曹及

晉江左有祠部尚書掌廟祧之禮常與右僕射通職不常置以右僕射攝之歷代皆與右僕射通職後周置春官卿又有禮部後改禮部為宗伯又春官之屬有典命後改典命為大司禮俄改大司禮復為禮部謂之禮部大夫至隋置禮部尚書唐因之龍朔中改為司禮大常伯光宅中為春官尚書通志

傳記祠部尚書領祠部儀曹二曹齊梁陳皆有祠部尚書後魏為儀曹尚書北齊祠部尚書統祠部主客虞部

屯田起部五曹又有儀曹主吉凶禮制屬殿中尚書後周置春官卿又有禮部而不言職事後改禮部為宗伯又春官之屬有典命掌內外九族之差及玉帛衣服之令沙門道士之法總判祠部禮部膳部主客事通典常受進位禮部尚書帝問所以振災邀福者對曰宋景公以善言退法星三舍漢文除秘祝勅有司祭而不祈此二君皆受自至之福書美前史如失德以却災媚神以求助神而有知且因以譴也時帝不德故託以為諷白乳六帖

集逮及貞觀初尚書踐台斗

杜甫送王評事

大舜委于伯夷分

敕六卿成王任于彤伯建茲歲首寔曰春官惇叙九族

之親欽若五常之教天祀地郊之典率具宏綱朝日夕

月之儀撮其機要

張鷺集

居禮樂之司必資明備

白孔六帖

本朝禮部判部事二人以兩制及帶職朝官以上克凡

禮儀之事悉歸于太常禮院而貢舉之政領于知貢舉

本曹但掌制科舉人補奏太廟社齋郎室長掌座都省

集議百官謝賀表章諸司申舉祥瑞出納內外牌印之

事而兼領貢院焉

續會要

元豐改制職掌如舊凡禮樂有

所損益小事則同太常寺大事則集侍從或百官議定

以聞若有事于南北郊明堂籍田禘祫太廟薦享景靈

宮酌獻陵園及行朝貢慶賀晏樂之禮則承詔舉其儀

物職官志

尚書

經宗伯掌禮典以和邦國以統百官以詣萬民

周禮

史前期戒有司辨具即上冊寶及封冊禮命亦如之凡

天下選士具注于籍至三歲貢舉考驗無冒濫乃聽預試凡大禮生辰后妃親王以下所推之恩公主下嫁宗室冠昏喪葬之制及賜旌節章服冠帔旌表孝行之法例皆主行之大祥瑞則朔參官詣閣門表賀餘于歲終條奏其屬有三曰祠部禮典醫政道釋祠廟之事隸焉曰主客蕃國朝貢及國信禮物之事隸焉曰膳部牲酒膳羞宴設給賜之事隸焉尚書主禮樂祭享貢舉之政令而侍郎為之貳郎中員外郎參領之職官時雖正名

尚書猶未除人

續要

傳記後魏孝文征馬圈留宋弁蕪祠部尚書攝行兵事
曰國之大事惟祀與戎故令卿攝二曹欽唐陳叔達初
建成元吉疾害太宗陰行譖毀高祖惑其言將有貶責
叔達固諫乃止太宗時拜禮部尚書勞之曰武德間公
有讜言故以報卿唐書李剛字文紀仕隋官不進筮之得
鼎卦筮人曰君當為卿輔代易乃如志至唐終禮部尚

書

唐

集擢登宗伯之曹上應文昌之位

類要

典禮之于有司非

人莫濟秩宗之于省戶其選則高

同上

俎豆之議著為典

常牋奏之文傳為口實秩清任重時儒所貴不次之位

也

上官均制

本朝禮部掌國之禮樂祭祀朝會燕享學校貢舉之政
令祭之名有三天神曰祀地祇曰祭宗廟曰享又有大
祀中祀小祀之別幣玉牲牢器服各從其等凡雅樂以
六律六同合陰陽之聲為樂律金石絲竹匏土革木為

樂器宮架八佾特架六佾分武文先後之序為樂舞具
所定儀注以舊章參考其當否上尚書省冊寶及封冊
命禮亦如之宋史

侍郎

經小宗伯之職掌建國之神位

周禮

史煬帝初置禮部侍郎唐因之龍朔中為司禮少常伯
掌策試貢舉及齋郎弘崇國子生等事舊制考功員外
郎典貢舉開元中李昂為進士李權所詆朝議以考功

位輕不足以臨多士次年遂以禮部尚書掌焉唐柳史

唐柳

璟字德輝為禮部侍郎為人寬信好接士稱人長遊其

門者他日皆顯于世唐書賀知章從太常少卿遷禮部侍

郎兼授學士宰臣源侍中曰學士侍郎孰為美燕公曰

侍郎自唐以來為衣冠之華選履歷清要望實具美者

居之然終是具員之吏學士者蘊揚班之詞彩兼游夏

之文學始可處之無愧二美之中此為愈也大

傳記禮部侍郎周之春官小宗伯也六典唐龍朔中改為

司禮咸亨復舊典

六范質年二十舉進士時翰林學士和

凝權知貢舉凝平生以宰輔自期登第姓名在十三及覽質文卷知非常人亦以質為第十三人塲屋間謂之傳衣鉢言若禪宗之相傳授也其後凝既登庸不十年質亦大拜大全

集貳宗伯之掌禮典諸侯之貢士職類可使典禮以和神

人可使考文以第俊秀

韋貫之制

豈惟神人之和兼舉孝秀

之目職類一時文柄舉屬公

楊大法撰行狀

典郊祀之禮獻賢能

之書韋貫

本朝劉正夫除禮部侍郎彗見求直言正夫條奏時政
十餘事大畧重名器輕賦歛戢干戈節賜予選人材惜
民力鑒祖宗成憲謹持盈守成之道徽宗嘉納之

東都事畧

侍郎奏中嚴外辨同省牲及親視饌腥熟之節裸受瓊
奉槃歲祀昊天上帝祭皇地祇與尚書迭為亞獻祭大
社大稷神州地祇則迭為初獻祀九宮貴神五帝感生
帝朝日夕月蜡祭東西方亦如之紹興七年禮部置侍

郎二員隆興元年詔除尚書不常置外禮部侍郎置一

員
史

郎中

史隋禮部曹置侍郎一人煬帝除侍郎考儀曹唐因之武德初改為禮部郎中龍朔二年改為司禮大夫咸亨初復舊其後曹名或改而官號不易掌禮樂學校儀式制度衣冠符印表疏冊命祥瑞鋪舍喪葬贈賄及宮人等通志孔易為齊尚書儀曹郎屢箴闕禮多見信納上

謂王儉曰孔易真所謂儀曹也

南史齊書

梁武帝問徐勉求

一有學藝解朝儀者為尚書儀曹郎勉曰孔休源識見

清通詳練故事帝即日除儀曹郎每建議訪問前事休
源即以所通記隨機斷決曾無疑滯吏部任昉常謂之

孔獨誦

梁書

傳記郎中一人周官春官四師下大夫亦頗同今任魏
尚書有儀曹郎掌凶禮制歷代多有例在吏部郎中篇
通志劉杳博綜羣書為儀曹郎僕射徐勉以臺閣大儀專

委杳焉

梁書

李翹為禮部郎中性峭鯁論議無所屬見宰

相李逢吉面斥其過失

唐書

唐薛稷字嗣道為禮部郎中

以辭章自名

同上

集南宮舍人士林高選

上官均制

太微之星郎位甚近宗伯

之屬禮為司清

謝表

賜筆禮闈進席天臺之屬

張賈制

儀曹

之任實藉文雄郎吏之選必資時秀

唐宋

容臺是則仙闈

咸推

彭景真制

本朝元豐郎中參領禮樂祭祀朝會宴享學校貢舉之

事有所損益則審訂以次諮詢凡慶會若謝掌撰表文與祠部主客膳部並列為四建炎三年併省郎曹禮部領主客祠部領膳部隆興元年復詔禮部祠部一員兼領自是併行四司之事矣通置吏五十四人通志禮部元豐官制行謂之名表郎官別有印曰名表郎印石林語

員外郎

史禮部員外郎講議制度損益儀物審覆有司所上之狀而質于尚書省大大朝會則尚書奏藩國貢物慶賀

若謝則員外郎分撰表文

同上

唐李班為殿中侍御史宰

相韋處厚曰清廟之器豈擊搏才乎除禮部員外郎

唐書

崔澹舉止秀峙謂玉而冠者為禮部員外郎當時士夫

以流品相尚推名德者為之首

唐書劉禹錫柳文序子厚

以文章稱首入為尚書禮部員外郎

會要

柳子厚文章卓

偉

續

傳記唐韋叔夏授禮部員外郎則天將享明堂受制與

當時大儒撰定儀注衆咸推服之

職畧

劉禹錫為禮部員

外郎方與日者從容段文昌入謁既去日者謂禹錫曰
員外須待十年之後此客入相方轉正曹郎耳自是禹
錫失意連受外官十餘年文昌入相方除禹錫禮部郎

中錄異

集仙步徐徐整羽衣小儀澄澹轉中儀
樺飄紅燼趨朝路蘭縱清香宿省時彩筆煙雲供不足
綸闈鸞鳳訝來遲自憐孤宦誰相念禱祝空吟一首詩詩鄭谷惟此禮部
公寒泉甃舊井滴此久羸瓶召還汲脩绠山谷詩

本朝禮部員外郎領禮樂祭祀朝會享學校貢舉之事並損益儀物審覆有司所上之狀

宋志

汪大猷字仲加

除禮部員外郎南宮名表一出土林稱誦之全

祠部郎中

史東晉而下逮于北齊皆有祠部郎後周春官府有典祠中大夫隋有祠部郎唐改為郎中龍朔中改為禋大夫後復故

唐書徐邈為祠部上言南北郊及言明堂宗廟

毀建言皆有證

魏志

後魏裴修兼祠部郎中每有疑議修

撰斟酌咸有故事同上周捨博學精義理梁武帝召拜祠部郎中損益禮儀多自捨出梁書

傳記唐開元十一年改祠部為職祠至德初復舊自天寶六載及至德三年常置祠部使以他官為之晉改立

太廟摯虞為祠部郎職其事職類許允之字之奇才應禮

樂擢為祠部郎同謝沈為祠部郎有史才職畧

集祠部呼為冰廳言其清且冷也因錄話祭以事神人道

之極也祠曹所領體莫重焉南豐除趙令鑠制仰承宗廟懷祇

虔

晉祠部嵇含
臺中宴會

又隨急詔朝天去

陳后山送
鄭祠部

本朝祠部判司事一人以無職事朝官充凡祠祀享祭

皆隸太常禮院而天文刻漏歸于司天監本司但掌祠

祭盡日休暇今受諸州僧尼道士女官童行之籍給剃

度受戒文牒而已元豐改制郎中員外郎始實行本司

事

續會

陳古靈先生襄字述古判尚書祠部時譯經僧

法護遺表度十僧趙槩奏列于廟三年度道士襄皆執

奏不行

神宗
實錄

兵部

經四曰夏官其屬六十掌邦政

周禮

史唐兵部尚書一人侍郎二人掌武選地圖車馬甲械之政其屬有四一曰兵部二曰職方三曰駕部四曰庫部凡將出征告廟授斧鉞軍不從令大將軍專決還日

具上其罪

唐百官志

傳記魏始置五兵尚書謂中兵外兵騎兵別兵都兵也晉太康分中外兵各為左右宋五兵唯領中兵外兵二

曹通典

大明省昇明復置

六典

齊梁陳皆有之後魏為七兵

北齊為五兵

兵都兵凡五曹

後周大司馬其屬有兵

部中大夫小兵部下大夫隋之兵部統兵部職方駕部

庫部四曹唐因之龍朔改司戎咸亨復舊光宅改夏官

神龍復故天寶改武部至德復故

通典

掌天下兵衛武官

選授之政令凡軍師戍卒之籍山川要害之圖廐牧甲

仗之數

六典

本朝兵部判部事一人凡兵籍武官軍師卒戎之政令

悉歸於樞密院其選授小者又歸於二班本曹但掌三
駕儀仗鹵簿字圖釋奠武成王廟及武舉事歲終以義
勇弓箭手寨兵之數上于朝兩朝志元豐惟民兵馬政權

隸樞密院武官銓選并歸吏部五年詔應緣義勇保甲
事並隸樞密院其餘民兵悉隸兵部續會要建炎三年併

衛尉寺歸兵部

中興會要

兵部尚書

經矧惟若疇折父薄違司馬掌邦政統六師平邦國

書

祈父予王之爪牙

詩

乃立夏官司馬使帥其屬而掌

邦政以佐王平邦國 大司馬之職掌建邦之九法以

佐王平邦國

以九伐之法正邦國

周禮 睽鳩氏司馬也

左傳

史黃帝夏官為縉雲史記姚崇三為宰相兼兵部尚書屯

戍斥堠士馬儲械無不諳記 盧承慶檢校兵部尚書

知五品選辭曰選事在尚書臣掌之為出位帝曰朕信

卿卿何不自信 李輔國為兵部尚書南省視事使武

士戎裝夾道 王起為兵部尚書文宗數訪逮時政起
因積雨願寬逐臣 李懷遠除兵部尚書雖久居榮位
而彌尚簡率常乘欵段馬左僕射豆盧欽望曰何不買
駿馬乘之答曰此馬幸免驚蹶何暇別求 朱崖為兵
部尚書自得岐路必當大用封川多方沮之唐書

傳記兵部尚書周官夏官卿也魏置五兵尚書後魏置
七兵尚書周置大司馬卿隋改兵部尚書唐龍朔改司
戎太常伯咸亨復光宅改夏官尚書神龍復天寶改武

部尚書至德復六典大司馬者武官也大總武事訓馬為

武者取其健行成王時畢公為三公兼領司馬之職

名黃帝坐玄扈之樓上與大司馬容光臨觀鳳凰之至釋名

宋司馬名司武

類要

晉號五兵周稱九法

記室新書

集絹熙九法董正六師

孫逖授李林甫制

恭守戎曹訓齊武部

簡稽之務軍國是殷

許公集

周之九法歷代用焉故夏官

之重事位久虛

錢翊授陸展制

惟茲夏官實掌戎政

白居易柳公綽制

卿長夏官

李宗閔制

本朝尚書掌武舉地圖車輦甲械之政令而侍郎為之貳凡軍民以民籍統隸者閱習按試選募遷補續會文

昌七兵之秩歐公表夏官掌武超進崇資楊億代表掌國五兵叨

進中臺之秩南豐公表中臺政事所出兵部司馬之任夏

官古卿擬制武選隸於天官兵部摠於樞輔故司馬之

職獨省文書東坡表周禮命卿司馬掌國征之事錢表類

兵部侍郎

經小司馬之職周禮

史唐太宗以楊弘禮有文武材擢為兵部侍郎入參機務出統衆攻戰太宗曰越公兒郎故有家風矣 楊弘武為司戎少常伯高宗嘗謂曰爾在戎司授官多非其材弘武曰臣妻剛悍比其所屬不敢違以諷帝用后言帝笑不罪 蔣伸為兵部侍郎宣宗每見必咨天下得失伸言比來爵賞稍易人日偷帝愕然曰偷則亂矣伸曰非遽亂但人有覬心亂由是生帝嗟嘆未幾拜相云

唐書

傳記隋置兵部侍郎唐因之龍朔為司戎少常伯光宅
為夏官侍郎後復故職林舊制一員總章加一員通周官

夏官小司馬中大夫也六典韓臯資質重厚有大臣器

盧元輔端清介正能紹其祖奕職類崔湜為兵部侍郎父

挹為禮部侍郎父子同為南省副貳互見禮侍類

集祈父之貳夏卿之亞

張曲江集

惟茲夏官實貳兵政簡稽

調補今方其時司馬貳卿佐平邦國白集柳公綽制入亞六卿

共行司馬之法出膺九命俱受元戎之律

伯樂川記

本朝六卿之亞皆高選也而夏官實主武事還貳祈父

用均爾勞

司戎亞卿

曲阜除
陳軒制

夏卿之貳典幹於七兵

胡文恭行
丁度制惟是夏卿之亞

南豐集

兵部郎中

史兵部郎中二員一員掌判帳及天下武官之階品衛府之名數一員掌判簿以總軍戎差遣之名數唐魏徵志

薦杜正倫擢兵部員外郎太宗勞之曰朕舉賢者非朕獨私以能益百姓也裴光庭轉兵部郎中在職公務

修整衆所嘆服 姚崇為夏官郎中契丹擾河北兵檄
叢進崇剖決如流張嘉貞為兵部員外郎時功狀盈几
郎吏不能決嘉貞為詳處不閱旬廷無稽牒 盧奕所
歷有稱唐書

傳記魏五兵晉七兵皆置郎中隋初為兵部侍郎煬帝
除侍字又改兵曹郎唐武德改兵部郎中龍朔改司戎
大夫咸亨光宅神龍隨曹改復通典及六典周大司馬屬官
軍司馬下大夫之任也職掌武職勲官三銜及兵士簿

書朝集祿賜假告差發武職告身之事

職員令

集既忝夏官之屬 夏官之劇既參戎事之殷 擢受

五兵之部 司武之屬重於文昌

元和制誥

兵部郎中二員

一在侍從不居外省

元微之行揚嗣復制

本朝本曹所治之事郎中員外郎參掌之

續會要

七兵之

曹郎吏之選甚寵

南豐潘良器制

姑寵七兵之秩用服一臺之

華

胡文恭呂弼制

外兵之員

郭輔制

夏卿首曹中臺妙選

張勗制

往踐五兵之屬

公是行周思永制

夏卿之屬

陳希亮制

職方郎中附員外郎

經職方氏掌天下之圖以掌天下之地乃辨九州之國使同貫利

周禮

史職方郎中員外郎掌地圖城隍鎮戍烽候防人道路之遠近及四夷歸化之事

唐書

傳記隋開皇置職方侍郎煬帝去侍字唐加中字龍朔改司城大夫咸亨復隋開皇置職方員外郎煬帝改承務郎唐復舊龍朔咸亨隨曹改復典

六典

本朝職方掌受諸州圖及圖經會要建炎三年以兵部郎

兼職方題名

駕部郎中附員外郎

經夏官輿司馬周禮

史隋辛公義為駕部郎勾檢馬牧所獲十餘萬疋帝嘉

曰唯我公義奉國竭忠隋書畢誠為駕部員外郎故事以

倉駕二部為辱誠沛然如處美官

互見倉部類

崔元亮為駕

部員外郎清謹介特澹如也

隋書

傳記周夏官之屬有輿司馬校人牧師巾車皆駕部之本也魏晉尚書有駕部郎宋屬左民尚書齊北魏與北齊並曰駕部郎中隋曰侍郎屬兵部煬帝除侍郎唐武德加中字龍朔改司輿大夫咸亨復天寶改司駕至德復典通制中行刑戶不博前行駕庫國史補

集從容管劇每識通而理當常袞惟有南宮老駕兄白居

易詩

本朝駕部判司事一人輿輦車乘隸於太僕傳驛給受

一出於樞密院廐牧之政總於羣牧司本公司無所掌元
豐改制郎中員外郎始實行本司事參掌輿輦車馬驛

置廐牧之事大禮則戒有司具五輶

續會要

建炎併太僕

寺歸駕庫中興會要輿馬輦乘之奉郵驛牧圉之治中臺要

務主以郎官

南豐擬制

擢司輿馬之政

初察除季倫制

庫部郎中

附員外郎

史庫部郎中員外郎掌戎器齒簿儀仗孔若思遷庫
部郎中持一石止水滿於座右以示有止足之意

唐書

傳記周禮夏官有司甲胄弓矢今庫部郎中之任也魏始置庫部郎晉以後有郎中隋初為庫部侍郎煬帝去

侍字唐武德加中字龍朔改司庫大夫咸亨復周禮

夏官有司兵後周有小武藏大夫蓋員外郎之任也隋開皇置煬帝為承務郎唐為庫部員外郎龍朔以來隨

曹改復

六典

本朝駕庫二部皆無所掌建炎三年以駕部兼庫部會要甲胄弓矢之器乘輿鹵簿之式武藏之任郎選甚高

南豐

集

刑部

經五曰秋官其屬六十掌邦刑

周禮

史刑部尚書一人侍郎二人掌律令刑法之政徒隸校覆讐禁之事其屬有四一曰刑部二曰都官三曰比部

四曰司門

唐志

傳記漢成帝尚書初置二千石曹主郡國二千石又置三公曹主斷獄光武改三公曹主歲盡考課諸州郡政

二千石曹掌中都官水火盜賊辭訟罪法亦謂之賊曹
重於諸曹魏置尚書都官郎佐督軍事晉以三公尚書
掌刑獄宋三公比部主刑法又置都官尚書主軍事刑
獄隋開皇改都官為刑部統都官刑部比部司門四曹
唐因之龍朔改司刑咸亨復武后改秋官神龍復天寶
改憲部至德復職林

本朝刑部判部事二人淳化以刑部覆大辟案增置審
刑院凡四方以具獄來上則讞於審刑院大中祥符置

糾察在京刑獄司元豐並併歸刑部五年官制行刑部始得專其官

續會要

刑部尚書

經司寇蘇公式敬爾由獄以長我王國

政書立

司寇掌邦

政詰奸慝刑暴亂

周官

乃立秋官司寇使帥其屬而掌邦

禁以佐王刑邦國

大司寇之職掌建邦之三典以佐

王刑邦國詰四方

周禮

司寇正刑明辟以聽獄訟聽之於

棘木之下以獄之成告于王

大司寇以其成從質於

天子記王制 菴太子僕來奔季文子使司寇出諸境 子

為司寇將盜是務去 爰鳩氏司寇也

左傳

史黃帝秋官為白雲史記羊侃為都官尚書宦者張僧肩

候侃侃曰我牀非闥人所坐竟不前之時論美其貞正

梁書劉祥道遷司刑太常伯每覆大獄必歎歎累嘆奏決

之日為之不食 李適之拜刑部尚書夜則宴賞晝決

公務庭無留事 崔祐甫為刑書帝欲相之間曰牛仙

客可與語卿嘗見否曰未也他日又問對如初帝乃不

用贊曰嚴挺之拒宰相不肯見李林甫崔祐甫違詔不屈牛仙客信剛者乎二人坐是皆不得相彼亦各申其志也 顏真卿為檢校刑書元載請百官凡欲論事必先白長官長官白宰相然後聞奏真卿上疏曰天寶後李林甫威權日盛羣臣不先咨宰相輒奏事不過託以他故中傷獨不敢明約百司令先白宰相如今日之事曠古未有陛下不早覺悟漸成孤立矣其激切如此於是中人爭寫內本布於外 屈突通為刑書自以不習

文故辭改工部

唐書

傳記刑部尚書周禮之秋官卿也晉依漢置三公尚書
宋始置都官尚書皆掌刑獄齊以後皆置後周置大司
寇卿隋初曰都官尚書開皇改刑部尚書唐因之龍朔
改司刑太常伯咸亨復光宅改秋官尚書神龍復天寶
改司憲至德復六典總制刑部比司事職員掌其三典詰

彼四方

記室新書

集弼我五教掌茲三典

常袞制

秋卿恤刑事无枉撓

紹

蔽芾於謳謳盡側成於法理

杜審權制

超司秋典

顏魯公集

國之

二柄在德與刑邦之三典惟清與慎大舜有欽恤之言

穆王有哀矜之教堯鳩之為司寇務在擇人臯陶之作

士師期於致理

張鷺集

本朝尚書掌天下刑獄之政令而侍郎郎中員外郎分

治其事設官分職以司臬事

題名

峻天臺仍忝刑官

之重

歐陽謝表

春秋官古卿

中臺八座典司邦禁

南豐擬制

淑問

之臣掌秋官

曲阜

西火清曹

丹筆平刑爰副一人之欽

卹
類
牋表

刑部侍郎

經小司寇之職掌外朝之政以致萬民而詢焉周禮

史刑部侍郎閼唐太宗令執政妙擇其人奏皆不可曰
朕得其人矣往者李道裕議張亮反形未具此言當矣
遂授之 犬仁傑薦張柬之宰相材召為洛州司馬仁
傑曰臣薦宰相而為司馬非用也乃授司刑少卿遷秋
官侍郎 韓愈為刑侍憲宗遣使迎佛骨入禁中愈上

表諫 王播轉刑侍郎精於法律法寺議讞科條繁雜播備舉格條置之座右凡有詳決疾速如神僚屬嘆服

劉瑑轉刑侍選制勅可用者議其輕重成一家書號大中統類奏行之唐書

傳記隋煬帝置刑部侍郎唐因之龍朔改為司刑少常伯光宅為秋官侍郎天寶為憲部侍郎掌律令刑名覆案大理及諸州應奏之事通典及六典周之秋官小司寇中大夫也典唐有大獄即命御史中丞刑部侍郎大理卿

充謂之大三司使 寶歷初宣中書以諫議大夫劉栖
楚為刑侍丞宣郎授自此始 秋卿之貳類要佐平邦憲

林職

集俾踐白雲之司裴敦復制當宣室受讞之際恩滿堂飲酒

之言 予曰罪爾勿罪予曰寬爾勿寬李從誨制擢亞秋官

韓文貳于刑讞劉瑑制

本朝沿革詳見前刑部類

呂公孺元祐初為刑侍原廟亡珠繫治甚久公孺言殿中主者不一前後代者未嘗以服御相

授且諱日宮嬪往還如織豈可指意吏卒獄雖具顧非

聖裁不可上深以為然

國史本傳

秩貳秋官參執邦典

南豐

擬制秋官亞卿

曲阜峻貳秋卿恭

刑部郎中

附員外郎

史郎中員外郎掌律法按覆大理及天下奏讞為尚書
侍郎之貳令狐峘大厯中為刑部員外郎上疏諫山
陵事詔答曰古之遺直何以加焉杜景佺為員外郎

守法不撓

唐書

傳記晉宋齊並以三公郎曹掌刑獄置郎中一人隋初省三公曹置形部曹侍郎一人煬帝除侍郎又改憲部郎唐因之武德改郎中龍朔改司刑大夫咸亨光宅神龍並隨曹改復六典及通典

周禮有士師下大夫蓋郎中之任六典及通典

魏有定科

郎晉賈充定律令以裴楷為之

職類唐有

大獄以刑部員外郎御史大夫理寺官為之以決疑謂

之小三司使

林職杜牧頃於宰執求小儀又求小秋不遂

尚書職故實秋官之屬

國史補中行刑戶不博前行駕部

集亟則失情緩則留獄深則礙恕縱則生姦惟是四者

持刑之難

元稹行
馮宿制

自居殿中能察非法連鞫庶獄多叶

平允加以溫敏靜專可當是選一歲之獄決在秋冬今

方其時宜敬乃職

白集王
鑑制

書曰庶獄庶事予罔敢知此

乃周文王之政以理天下也惟獄惟事會於南宮求郎

之難豈敢輕易今者各有所授皆為清秩

杜牧
制

刑官屬

郎守法爭兢不阿

韓文

本朝至道初張昱為刑部員外郎西川安撫奏授昱知

雅州上以省郎之重不欲換他職故進秩加賜令服而遣刑者所以助治聖人尤謹中臺參綜郎選甚高

南豐

除韓晉卿制宜正秋臺之聯進丞郎之務

胡文恭家詢制丹筆議刑

國綱作重白雲司職人命是懸

錢表類

都官郎中

附員外郎

經司隸掌五隸之法

周禮

史都官郎中員外郎掌俘隸簿錄給衣糧醫藥而理其訴冤韋溫奏曰國朝以來都官最為清選不可以賞

能吏

唐書

傳記漢置司隸校尉其屬有都官從事一人掌中都官不法因以名官後漢又改二千石曹掌中都官水火賊盜魏晉宋齊都官郎中並掌京師非為得失事非今都官之任後周置司隸掌諸奴男女男子入於罪隸女子入於春

餧之事

此今都官之任

隋都官侍郎猶掌非違得失開皇改都

官尚書曰刑部其都官郎曹遂改掌簿錄配沒官私奴婢唐因之武德加中字龍朔改司僕大夫咸亨復故典

裴秀奏事曰都曹二千石曹司國憲內掌京畿詰姦聽訟外總邊境類要稽含牋曰今都官中兵三曹郎晝督征戰夜還治事省中司都官屯田虞部主客皆閒簡無

事諺曰司門都官屯田水部入省不數南部新書後行祠屯

不博中行都門

國史補

集故薛尚書能李員外頻嘗郎都官皆一時騷雅宗師都官之曹振盛於此余早年請益實受深知今忝此官復是正秩鄭谷自序十倫創制輿臺之號肇興百隸裁規僅

僕之名斯著蒼頭卑賤匪子密之封侯點面輕微殊季
珪之貴胄

張驚集

本朝都官判司事一人無所掌元豐改制郎中員外郎
始實行本司事參掌徒流配隸及吏籍之事

續會要

列四

案

軍六將案吏籍案
配籍案知雜案

鄭谷詩名盛於唐末號靈臺編世

但稱鄭都官詩梅聖俞官至都官劉原父戲之曰聖俞

官止此昔有鄭都官今有梅都官

詩話

命爾司僕

曲阜

擢之

秋聯典我隸士

胡文恭行
劉杞制

進秋臺者以都隸為峻

張士奕等

制
司隸秋聯彭思永制

比部郎中

史何損奏許都之賊魏明奇之擢為比部郎書魏唐德宗

知武元衡才名召授比部員外郎 裴延齡奏京兆府

妄破用錢穀請令比部勾覆

唐書

傳記魏尚書有比部曹晉因之宋比部主法制齊梁陳皆有北齊掌詔書律令勾檢等事後周曰計部中大夫隋為比部侍郎煬帝除侍郎唐加中字龍朔改司計大

夫咸亨復天寶改司計至德復掌內外諸司公廨及公私債負徒役工程賦物帳及勾用度物通典比部得廊下

食以飲從者號壯盤國史補杜牧頃於宰執求小儀小秋

皆不遂嘗夢人謂曰辭春不及秋昆脚與皆頭後果得

比部員外

尚書故實

集郎于會司

柳文

位膺列宿職在勾司

張鷟集

蘊籍為郎久

魁梧秉哲尊詞華傾後輩風雅藹孤騫

杜詩

本朝比部判司事一人無所掌

兩朝志

自治平至熙寧初

凡四年而未勾考帳已逾十有二萬錢帛芻粟虧損不可勝數遂置提舉帳司領之元豐官制行釐其事歸比部郎中員外郎始實行本司事四朝志列五案勾案覆磨勘案理久案憑由案知雜案比部掌勾稽天下文簿周官宰夫所謂乘其財用之出入也續會要內外經費之任總于勾考之司南豐

挺惟是會計勾考之事命汝聽之曲阜吳景淵制稍升比計之

曹胡文恭行吳仲制比勾劇曹陳象進之制進司計於中臺寶平制

司門郎中附員外郎

經司門掌授管鍵以啓閉國門

周

史郎中員外郎掌門關出入之籍及闡遺之物

唐

書

傳記周禮大司徒屬官有司門下大夫後周依周官隋

開皇置司門侍郎煬帝去侍字唐加中字龍朔改司門

大夫咸亨復周禮有司門上士後周有小司門上士

隋置員外郎煬帝改承務郎唐武德復故

六典掌門籍關

棧及道路所闡遺物之事

職員令

工部

經六曰冬官其屬六十掌邦事

周禮

史唐工部尚書一人侍郎二人掌山澤屯田工匠諸司之事其屬有四一曰工部二曰屯田三曰虞部四曰水

部

唐書

傳記漢成帝尚書有民曹主凡吏民上書光武改民曹主繕修功作鹽池園苑晉宋有起部每營宗廟宮室則惟置之北齊起部亦掌工造屬祠部後周有冬官大司空卿掌五材九範之法其屬有工部中大夫掌百工之

籍而理其禁令至隋乃有工部尚書唐因之龍朔改為司平咸亨復武后改為冬官神龍復總判工部屯田虞

部水部事通典

本朝工部判部事一人凡城池土木工役程式皆隸三司修造案本曹無所掌元豐官制行掌百工山澤溝洫屯田之政令續會要中興會要紹興三年併少府監歸工部以文思院屬焉蓋繕修興造程衆藝飭五材國家之務不可以不屬之其人今中臺起曹實踐其任矧屯田虞衡

平水之職莫不隸焉

職表類

工部尚書

經舜曰咨四岳有能奮庸熙帝之載使宅百揆亮采惠
壽僉曰伯禹作司空 帝曰疇若予工僉曰垂哉帝曰

俞咨垂汝共工 宏父定辟 司空掌邦土居四民時

地利書國有六職百工與居一焉 審曲面勢以飭五

材以辨民器謂之百工周禮戶鳩鳩氏司空也 五雉為五

工正左傳

史黃帝冬官為墨雲史記長孫平為工部尚書名為稱職

隋書唐閻立本代兄立德為工部尚書兄弟相代為八座

時人榮之 鄭善果為工部尚書正身奉法甚著榮績
子休烈為工部尚書不治產業樂賢下善推轂士甚
衆 李大亮為工部尚書惟忠謹外若不能言而內剛
烈不可干非其義唐書

傳記工部尚書周之冬官卿也後周置大司空卿隋開
皇始置工部尚書唐龍朔改司平太常伯光宅改冬官

尚書六典司空事官掌監百官者也

類要

五材是宜百工惟

叙城郭都邑合其規士農工商得其所

記室新書

集冬卿命職汝往欽哉

掌我邦工謹茲藝事

程品

之重有若百工號令之先尤難六職

唐制

尚書漢公卿也

言動可否屬人耳目固不專於率四屬程百工修位於

冬官而已

白集韋貴之制

平百官之上書飭五材以辨器非國

之髦碩詳於典制則不可以綜事訓工建明理本也

常集

位當玄武之官職在司空之任虞舜之代伯禹統其班

周成之朝毛公處其地

張鷺集

本朝

沿革詳見
前工部類

冬卿常伯

楊億代表

中臺起曹

訓匠建事

南豐
擬制

工部侍郎

史帝問蘇頲有工部侍郎得中書侍郎者乎對曰陛下任賢惟所命何資之計 李栖筠為工部侍郎魁然有宰相望

唐書

傳記隋煬帝改置工部侍郎唐因之龍朔改司平少常

伯咸亨復通典光宅神龍並隨曹改復

周之冬官小司

空中大夫也六典

集百工惟時命汝典制常袞起曹書殿兼而委之工

白集制工侍

兼集賢

殿制

本朝沿革詳見前工部類

共工之貳飭五材程匠事冬官寵列

俾介厥司南豐擬制

公是行

冬卿之貳崔嶧制冬官之貳方此得人

疇若予工汝為已試曲阜郭知章制

擢貳事官蔡延慶制疇若予工

汝往為允紀綱繕修之次杜塞淫巧之作曲阜

工部郎中附員外郎

史起部郎不常置

宋書

掌城池土木之工役程式

蔣係

遷工部員外郎又遷郎中兼史職宰相宋申錫為北軍

羅織罪在不測係與諫官崔元亮泣諫玉階之下申錫

方減死時論稱之

唐書

傳記晉宋齊皆有起部郎中梁陳改置起部侍郎隋初
為工部侍郎煬帝除侍郎改起部唐武德改工部郎中
龍朔改司平大夫咸亨復光宅神龍並隨曹改復 周

禮司空屬官下大夫郎中之任也

典六掌興造工匠諸

公廨舍宇五行紙筆之事

職令員

開元以後位卑名著者

杜工部

國史補

集不才名位晚敢恨省郎遲

杜詩

本朝宮室城隍程匠度材之事郎於起部其選甚高

南豐

范子奇制中臺起曹郎選尤重

曲阜制

郎吏令之高選工官號

為劇曹

張元方制

冬卿之屬

公是行李微之制

屯田郎中

附員外郎

史隋初屯田郎兼掌儀式

隋書

傳記漢尚書郎四人其一主戶口墾田蓋屯田之始也
魏有豐部郎曹晉始置屯田郎中東晉宋齊並左民郎
中兼知屯田事陳隋並為侍郎煬帝曰屯田郎唐龍朔
為司田大夫後復故掌天下屯田及在京文武職田諸
司公廨田以品給焉職林詳見前後行祠屯不博中行都門國史補
閒簡無事八省不數都官類

集出軍西域我君謀之屯田北假我君穫之燕集

本朝屯田判司事一人凡屯田之政隸三司本司無所掌元豐改制郎中員外郎始實行本司事兩朝志參掌營

屯田官莊塘灤學校職分之田及其租入四朝志元祐改

八戶部崇寧復續會志中興間除題名率屯戍之兵服獻畝

之事郎於中臺統其政令南豐擬制臺郎初拜以墾曹為任

胡文恭行張道制俾擢墾屯之曹劉述制墾屯冬屬

虞部郎中附員外郎

經帝曰疇若予上下草木鳥獸僉日益哉帝曰俞咨益

汝作朕虞

書

山虞掌山林之政令

澤虞掌國澤之政

令

周禮

史郎中員外郎掌京都衢閭苑囿山澤草木及百官蕃

客時疏薪炭供頓畋獵之事

唐書

傳記周禮有山虞澤虞蓋虞部之職也魏始有虞部郎
中晉因之宋齊省梁陳為侍郎隋煬帝去侍字唐加中
字龍朔為司虞大夫咸亨復虞部員外郎隋煬帝為

承務郎唐復故龍朔咸亨隨曹改復

六典

本朝虞部無所掌會蒐田以時澤梁有禁虞衡之守所

以遂嘉生參化育

南豐擬制

水部郎中

經川衡掌巡川澤之禁令

周禮

史郎中員外郎掌津濟船艤渠梁隄堰溝洫漁捕運漕
碾碓之事

唐書

傳記後周冬官有司水中大夫隋文帝為水部侍郎煬
帝去侍字唐加中字龍朔改司水大夫咸亨復後周

冬官有小司水上士則員外之任也隋置水部員外郎
煬帝改承務郎唐復故龍朔咸亨隨曹改復

六典

集省中官最美無似水曹郎

李餘慶

本朝水部無所掌

會要

六部監門

本朝紹興二年詔置六部監門官一員選陞朝文臣有
才力人充仍令六部長貳奏差序位請給依寺監丞

中興

會要掌司門鑰之嚴

胡文恭行呂性簡制

六部架閣

本朝元豐有六曹架閣庫

續會要

崇寧元年何執中請置

庫架閣命官蒞之是時六曹皆建立

本傳大觀三年罷內

吏部令司封餘部六曹郎官管勾政和三年六曹依舊

置管勾架閣庫官宣和罷

續會要

紹興三年立六部架閣

中興庫題名十五年詔復置官吏戶部各差一員禮兵部共

一員刑工部共一員

中興會要

舊制官庫其司置於六部之

內或遇其廢則以郎省兼之否則以兼六部監門兼之迨

於紹興寺監簿正官俱復然後始置司於外一也舊制
金耀門文書庫多藏三司帳籍三司今版曹也自銓曹
而下儲藏帳籍之所未之聞焉其後置六部架閣官大
抵成案留部二年然後畀而藏之又八年則入之金耀
金耀無復曩日則悉藏於架閣庫二也二者不同而至
於諸曹二十四司之文書盡歸儲蓄以待有用則今猶
昔也

李異架閣文題名記其任以周司書漢掌故中興題名



記纂淵海卷二十八